

XUÑO

NENAS / NENOS / ACTIVIDADES / EN GALEGO



Luns Martes Mércores Xoves Venres Sábado Domingo

				1	2	3	4
					Obradoiro Carlos Casares	Espazo de animación infantil Terra de libros Conto porque me toca	A nena e o grilo nun barquiño Terra de libros Onde vai Carlos?
5 Espazo de animación infantil	6 Espazo de animación infantil Papi e mami	7 Espazo de animación infantil Conto porque me toca	8 Espazo de animación infantil Obradoiro Carlos Casares Obradoiro Regueifa Conto porque me toca	9 Espazo de animación infantil Descubrimos o xogo Conto porque me toca	10 Xogos populares Terra de libros Conto porque me toca	11 Terra de libros As raíces na pedra As Maimiñas	
12	13	14 Obradoiro de arrollos para acolar	15	16 Hoxe conta comigo... historias de cine	17 Obradoiro familiar de xogos bailados	18	
19	20	21	22	23 Venres en familia: plantas de S. Xoan Axúdame a expresarme Pequenos lectores: contos de S. Xoán	24 San Xoán	25	
26 A galiña azul	27	28	29	30			



Semana do Libro de Compostela (SELIC)

Do 2 ao 11 de xuño Praza da Quintana*

Espazo de animación infantil

Sábado 3 de 12 a 14 h. Luns 5, martes 6, mércores 7, xoves 8 e venres 9 de 17 a 19 h

Terra de libros

Sábado 3 e domingo 4 de 17.30 a 19.30 h
Sábado 10 de 12 a 14 h e de 17.30 a 19.30 h
Domingo 11 de 12 a 14 h

As/os participantes recrean contos a partir de personaxes do mundo dos libros.

Limitado a 25 persoas por sesión (por orde de chegada). Cada sesión é independente. + 5 anos

Conto porque me toca

Sábado 3, Mércores 7, Xoves 8, Venres 9 e Sábado 10 de 17.30 a 19 h

Museo das Peregrinacións de Santiago

Construímos colectivamente un conto ilustrado. Cada sesión independente ten como obxectivo familiarizarse con recursos patrimoniais materiais e inmateriais da contorna.

De 6 a 10 anos. Participación libre ata completar @s 20 nen@s. O punto de encontro será na entrada do Museo 10 minutos antes do inicio da actividade.

A nena e o grilo nun barquiño

Domingo 4 ás 12.00 Teatro Principal
Concerto de Magín Blanco

Onde vai Carlos?

Domingo 4 ás 18.30 h

Contacontos a cargo de María Lado. + 5 anos

Papi e Mami

Martes 6 ás 17.30 h

Presentación-concerto do libro-cd *Fantasía coas palabras*. Ata 10 anos

Obradoiro de iniciación á Regueifa para crianzas

Xoves 8 ás 17.30 h

A cargo de Séchu Sende. Para crianzas de 4 a 10 anos. Coa colaboración do Club de Regueifa da Escola de Ensino Galego Semente

As raíces na pedra

Domingo 11 ás 17.00 h Praza das Praterías
Obradoiro de muiñeira a cargo de Colexiata de Sar. Recomendado para toda a familia

As maimiñas

Domingo 11 ás 17.30 h

Concerto - presentación do libro-CD *Volta, revolta e reviravolta*. Ata 10 anos

Obradoiro para elaborar unha tira gráfica sobre Carlos Casares

Xoves 1 e 8 de 16 a 18 h

CSC de Vite

Nunha banda deseñada xigante representaremos catro momentos significativos da vida do autor.

Achegarse ao centro e colaborar.

Descubrimos o xogo

Venres 9 ás 18.30 h

CSC de Santa Marta

+ 3 anos

Xogos populares

Sábado 10 ás 12 h

Praza Roxa

Se chove trasladarase ao CSC do Ensanche.

Obradoiro de arrolos para acolar

Uxía Pedreira

Mércores 14 de 17.30 a 19.30 h

CSC de Santa Marta

Para nais, pais e educadores en xeral, que poden acudir coas súas crianzas.

Traballarase o movemento, o ritmo, a respiración, a voz, os cantos... para arrolar e gozar do colo.

Mellor levar unha estera ou manta para o chan e papel e bolígrafo para anotar.

15 prazas. Inscripción entre o 5 e o 10 de xuño por correo electrónico a dlg@santiagodecompostela.gal

Hoxe conta comigo... historias de cine

Venres 16 ás 18.30 h

CSC de Santa Marta

+ 3 anos

Obradoiro familiar de xogos bailados

Sábado 17 ás 18.30 h

CSC de Santa Marta

As familias poderán gozar cos pequenos dunha divertida sesión na que xogaremos bailando.

+ 3 anos

Axúdame a expresarme

Venres 23 de 17 a 18.30 h

CSC do Ensanche

Obradoiro práctico para nais e pais e educadores en xeral, interesados no proceso de desenvolvemento da linguaxe. Baseado na pedagogía Montessori.

30 prazas. Inscripción do 15 ao 20 de xuño por correo electrónico: dlg@santiagodecompostela.gal

Venres en familia: na procura das plantas de San Xoán

Venres 23 ás 18 h

CSC do Ensanche

Xogo-ruta no que aprenderemos a identificar as plantas de San Xoán.

Cómpre que @s nen@s acudan acompañados dunha persoa adulta.

Inscripción na portería do CSC ou no 981 543 001

Pequenos lectores: contos e lendas de San Xoán

Venres 23 ás 18.30 h

CSC de Santa Marta (Biblioteca)

+ 3 anos

A galiña azul (Mostra de teatro dos Centros e Locais Socioculturais)

Martes 27 ás 18 h

Teatro Principal

Representan as obras participantes no Club de Teatro Infantil de Santa Marta.

* Todas as actividades da SELIC se desenvolven na Praza da Quintana, agás aquelas nas que se indica outra localización

+Info: www.apego.gal

apego.santiagodecompostela.gal

Obradoiros **Contacontos** **Teatro** **Música** e mais...

PARQUES PARA TOD@S!

Para moitas familias a visita diaria ao parque é case obrigada, sobre todo cando o verán está á porta e os días son máis longos e calorosos.

As pequenas corren e xogan libremente e as maiores conversamos, descansamos e gozamos canda elas.

Na nosa cidade hai dúcias de parques para que as crianzas xoguen, corran, gabeen, agatuñen, berren e brinquen ata caer de cu. De deseño, como o da Cidade da Cultura, novos do trinque, como o de Galeras, grandes, pequenos, no centro da cidade, no contorno rural, con sombra, ao solño...


Un pouco nas randeiras, outro anaco no bambán, agora para o areiro... A rapazada bule dun lado para o outro sen acougo.

A retirada adoita ser o peor e ás veces o camiño de volta é menos agradable que o de ida.

Que vos parece se facedes o camiño de volta á casa xogando ás adiviñas?


Aquí vos deixamos unhas poucas para que vos vecedes ;)

*Se se molla,
moito non escorre.
Se o sol quenta,
queima que doe.*



BAMBÁN ou BALANCÍN

*Adiante
e atrás
ata o ceo
chegarás.*



ESCORREGADOIRO ou TOBOGÁN

*Baixa Xoana
e sobe Paio,
mais eu do chan
nunca saio.*



RANDEIRA,
ou CARRIOLA

Emparella cada adiviña co seu debuxo